

Վ. Ն. ՀԱՅՐԱՊԵՏՅԱՆ

ԱՐԴԻ ՀԱՅԵՐԵՆԻ ԱՆԴԵՄ ԵՎ ԱՆՎԱՆԱԿԱՆ ՆԱԽԱԴԱՍՈՒԹՅՈՒՆՆԵՐԻ
ՔԵՐԱԿԱՆԱԿԱՆ ԿԱՌՈՒՑՎԱԾՔԸ

Արդի հայերենի միակազմ նախադասությունների շարահյուսական ենթահամակարգում անդեմ և անվանական նախադասությունները դիմավոր, անենթակա և մյուս տիպի նախադասությունների հետ մեկտեղ կազմում են մի առանձին խումբ: Առաջին հայացքից թվում է, թե ժամանակակից հայ քերականները այս հարցում միասնական կարծիքի են, սահմանադատելով առանձին-առանձին անդեմ և անվանական իմաստները: Մինչդեռ հետադոտողների մեծ մասը (Ս. Աբրահամյան [1, 134—145, 2, 487—499], Ս. Գյուլբուրադյան [4, 122—193], Հ. Հարությունյան [5] և ուրիշներ) անդեմ և անվանական նախադասությունները համախմբում են մեկ ընդհանուր՝ անդեմ նախադասությունների շրջանակներում, որի պատճառով էլ բուն անվանական նախադասությունների քերականական գործառությունը կախման մեջ է դրվում լեզվական այլ կարգից (օրինակ, ստորոգման գաղափարից):

Այլ սկզբունքով է առաջնորդվում պրոֆ. Վ. Առաքելյանը: Նա զատում է միմյանցից անդեմ և անվանական տիպի նախադասությունները, քննելով անդեմ նախադասությունների կիրառությունը բայական նախադասությունների բաժնում և իրավացիորեն սահմանելով անվանական տիպի նախադասությունների համար հատուկ ենթաբաժին [3, 12—45]: Նշենք, որ համամիտ ենք այս վերջին տեսակետին: Միաժամանակ հարկ ենք համարում ավելի լայն շրջանակներով հարցի մեր լուսաբանումը տալ: Այս կապակցությամբ պարզաբանենք, թե 1. ի՞նչն է ընկաժ անդեմ և անվանական նախադասությունների սահմանադատման հիմքում, ի՞նչն է նրանց նույնացման պատճառը, և, 2. ի՞նչ միջոցների օգնությամբ կարելի է տարբերել նախադասության այդ տիպերը:

Հարցադրման առաջին թեզը սերտորեն կապված է ստորոգման գաղափարի ըմբռնման հետ: Հայ լեզվաբանները բաղմիցս անդրադարձել են այդ հարցին և վերջնականապես հանգել այն կարծիքին, որ ստոր-

րոգումը իրականացնող միակ միջոցը բայական ձևն է [1, 19]: Ամփոփելով այս թեզը Գ. Բ. Զահուկյանը դրում է, որ «...բայը հանդես է գալիս ոչ միայն որպես բայ, այսինքն՝ գործողության, վիճակի, եղելության նշան (փաստորեն որպես դրանց անուն), այլև որպես նախադասության ստորոգման (լայն առումով) արտահայտիչ» [6, 225]: Սակայն ուսն քերականության ազդեցությամբ, հայ լեզվաբանների որոշակի մասը ստորոգման հարցը կապում է տրամաբանական կարգերի հետ: Ռուս լեզվաբաններից Ե. Մ. Գալկինա-Ֆեդորովը անդամ և մյուս տիպի միակազմ նախադասությունների քերականական բնույթը ուղղակիորեն կախման մեջ է դնում տրամաբանական որոշ կարգերից: Այսպես, նա գտնում է, որ «Եթե փորձենք հասկանալ, թե ի՞նչ է իրենից ներկայացնում անդամ նախադասությունը, ապա պետք է պարզել, թե ինչպիսի հարաբերության մեջ է գտնվում լեզուն մտածողության, նախադասությունը՝ դատողության հետ» [8, 5]: Ինչպես տեսնում ենք, այստեղ հատուկ ընդգծված է տրամաբանական և լեզվաբանական հասկացությունների սերտ կապը, և այն հասցվում է խիստ մերձեցման աստիճանի:

Ստորոգման գաղափարը ներթափանցել է լեզվաբանության մեջ տրամաբանական ուսմունքից, ուր դատողությունը սովորաբար հանդես է գալիս երկբևեռ կառուցվածքով՝ սուբյեկտի և պրեդիկատի (ստորոգման) առկայությամբ: Սակայն լեզվաբանները դեռ վաղուց նկատել են, որ լեզվում դիտվում են նաև այլ կարգի երևույթներ: Այսպես, ենթակաստորոգյալ տարրական երկբևեռ կամ երկկենտրոն կառուցվածքների հետ մեկտեղ լեզվում (նաև՝ հայերենում) լայն տարածում են դտել անենթակա՝ բայաձևերով արտահայտված նախադասություններ, ավելի ճիշտ՝ բայաձև կաղապարների շուրջը կազմված նախադասություններ, և հակառակը՝ անվանական կամ այլ կարգի բառաձևերով (կաղապարներով) կազմված նախադասություններ: Այս բոլոր միաբևեռ նախադասությունները կոչվում են միակազմ, որոնց թվում՝ անդամ և անվանական տիպի նախադասությունները, ուր առանցքային բաղադրիչները բոլոր տիպի միակազմ նախադասություններում գլխավոր կամ գերադաս անդամ անվանում են ստացել: Գլխավոր անդամի դասական բնորոշումը գտնում ենք Ա. Ա. Շախմատովի մոտ, որը գրում է. «Նախադասության այն անդամը, որն իր նշանակությամբ համապատասխանում է սուբյեկտի և պրեդիկատի զուգորդմանը, մենք անվանում ենք միակազմ նախադասության գլխավոր անդամ» [12, 30]: Ակնհայտ է, որ այստեղ նույնպես հարցը առանց տրամաբանական գաղափարների ներմուծման զուխ չի եկել, թեև հեղինակը նշում է, որ նախադասությունը դիտում է ոչ թե որպես դատողություն, այլ շարահյուսական մի այնպիսի միավոր, որն անկախ քերականական կառուցվածքից և բաղադրամասերի

կազմությունից, նաև քանակից, իր լիարժեք գործառնությունն ունի լեզվում:

Տրամաբանական միտքը մեծ ազդեցություն է ունեցել լեզվաբանական մտքի վրա: Սակայն, բոլոր դեպքերում, անհրաժեշտություն է զգացվել զերծ մնալ գաղափարների մեխանիկական ընդօրինակումներից: Եթե նախկինում հոգեբանները, տրամաբանները և փիլիսոփաները հաստատում էին, որ, օրինակ, անդեմ նախադասությունները (Impersonalien) իրենցից ներկայացնում են անորոշ դատողություններ, որոնց կազմում բացակայում է անմիջական սուբյեկտը, և որոնք, սակայն, լիարժեք երկկազմ կառուցվածքների փոխակերպեր են, ապա հետագայում և այժմ էլ որոշակի ճշգրտումներ մտցնելով այդ ըմբռնման մեջ, լեզվաբանները ներկայացնում են այն որպես լեզվին հատուկ օրինաչափ կազմություններ: Նույնը կարելի է ասել ինչպես անվանական տիպի նախադասությունների առաջացման և դարգացման եղանակների, այնպես էլ դրանց գոյացման ուղիների մասին: Լեզվաբանական ուսումնասիրությունների շնորհիվ պարզվել է, որ անվանական նախադասությունները մանրաբաժանման (парцелляция) զարգացման արգասիք են [11, 322]: Այս տեսակետից ստորոգման գաղափարի ներմուծումը անվանական նախադասություն հասկացության մեջ փոքր-ինչ խորթ է թվում և հազիվ թե օգնի նման քերականական կառուցվածքների առանձնահատկությունների բացահայտման գործին: Նշենք նաև, որ նույնիսկ մեր օրերում ստորոգման և միակազմության հարցերը վերջնական լուծում չեն ստացել:

Այսպես, ռուսերենի ակադեմիական քերականության մեջ այն կարծիքն է հայտնվում, որ միակազմ (անդեմ, անվանական և այլն) կառուցվածքների ուսումնասիրման հարցը լուրջ և խոր քննության կարիք է զգում (9, 73): Այժմյան վիճակով հարցը թերևս լուծված չի կարելի համարել, քանի որ նույն աշխատության վերջերս հրապարակված նոր պրակտում «ստորոգում» հասկացությունը իր տարածումն է գտել միայն որոշակի տիպի նախադասություններում [10, 542], այսինքն՝ չի ընդգրկում լեզվի շարահյուսական ողջ կառուցվածքը:

Ժամանակակից հայ լեզվաբանության մեջ տրամաբանական մոտեցումը մնում է անփոփոխ: Այսպես՝ Հ. Հարությունյանը, որը կարծես համաձայն չէ ավանդական որոշ դրույթների հետ, ընդունելով ստորոգման գաղափարը, թեկուզև որոշակի փոփոխություններով, այնուամենայնիվ, մնում է նույն այդ դիրքերում: Թեև այդ հասկացությանը նա մի նոր իմաստ է վերագրում, անվանելով այն հնչերանգային ստորոգում (հատուկ ընդգծելով նրա նշանակությունն ու դերը՝ նախադասության կազմավորման ընթացքում) [5, 5—7], սակայն դա, մեր կարծիքով,

ամենևին էլ չի նպաստում անդամ և, հատկապես, անվանական նախադասությունների թե՛ քերականական և թե՛ հնչերանգային կառուցվածքների առանձնահատկությունների վերհանման գործին: Ի դեպ, նշված տիպի նախադասությունների հնչերանգային առանձնահատկությունների քննությամբ զբաղվել ենք նաև մենք: Վերլուծության արդյունքները ցույց տվեցին, որ, նույնիսկ տարբեր հնչերանգային հաղորդակցական տիպերին պատկանելով, անդամ և անվանական նախադասությունները խիստ տարբերվում են միմյանցից՝ և թեկուզ այս տեսակետից նրանք չեն կարող դիտվել որպես մեկ ընդհանուր ենթակարգի առանձին խմբեր, ուստի տվյալ հարցում պետք է ցուցաբերվի նոր մոտեցում:

Անդամ և անվանական նախադասությունները միմյանցից խիստ տարբերվում են հատկապես իրենց քերականական կառուցվածքներով, մի բան, որ ցույց կտրվի ստորև:

Միակազմ (ներառյալ՝ անդամ և անվանական) նախադասություններն իրենց առանձնահատուկ կառուցվածքի շնորհիվ կարելի է արտահայտել արտածման բանաձևերի և դրանց հատուկ նիշերի միջոցով:

Այժմ ներկայացնենք այդ նիշերի ու բանաձևերի ցանկը և տանք դրանց նախնական բացատրությունը: Եթե ընդունենք, որ անվանական խմբին պատկանող ցանկացած անդամ կարելի է պատկերել N_m^a նիշով, ապա գոյականին, որպես անվանական խմբի առաջին անդամի, բնականաբար, կհատկացվի N^1 նիշը (թիվը աստիճանացույցի ձևով), ածականին՝ N^2 , թվականին՝ N^3 , դերանվանը՝ N^4 նիշերը: Հոլովման համակարգը պատկերվում է նույն թվերի միջոցով, պատկերվելով որպես ստորին ցուցանիշ՝ ըստ հերթականության: Օրինակ՝ N_1^1 նշանակում է գոյական անուն ուղղական հոլովով, N_2^1 գոյական անուն սեռական հոլովով և այլն: Ինչ վերաբերում է քերականական թվի արտահայտման միջոցներին, ապա այն՝ ինչպես անվանական խմբի, այնպես էլ բայաձևերի նկատմամբ պատկերվում է *sing.* (եզակի թիվ) կամ *pl.* (հոգնակի թիվ) նիշերով: Շարունակելով նիշերի թվարկումը, ներկայացնենք բայաձևերին և քերականական մյուս կարգերին հատուկ նիշերը: Այսպես, եթե բայաձևին հատուկ է *V* (վերալ) նիշը, ապա այս առումով *V inf.* կնշանակի անորոշ դերբայ, *V_i* — բայի դիմավոր ձևը, *V imp.* (*verbum impersonale*) — անդամ բայաձև, *V part.* (*verbum participle*) — հարակատար դերբայ, *V aux.* (*auxiliary verb*) — օժանդակ բայ, *V 3sing* — բայի դիմավոր ձևի 3-րդ դեմքի եզակին և այլն: Այնուհետև՝ *S imp.* — անդամ նախադաս-

1 Վ. Ն. Հայրապետյան, Ժամանակակից հայերենի անդամ և անվանական նախադասությունների հնչերանգային հաղորդակցական աղբյուրը (Ելեզվի և ոճի հարցեր», հ. 5, Երևան, 1978, էջ 72):

սություն, S_n—անվանական նախադասություն, Adv.—մակբայ, neg—
 ժխտական մասնիկ, Inter]—ձայնարկություն, Interr,S—հարցական նա-
 խադասություն, S¹—միակազմ նախադասություն, S²—երկկազմ նախա-
 դասություն, prp.—կապ, Con.—շաղկապ:

Բանաձևերը պատկերում են յուրաքանչյուր նախադասության
 գծային կառուցվածքը՝ իր բաղադրամասերով: Կառուցվածքի կամ
 կառուցվածքային սխեմայի առանցքային բաղադրամասը համապա-
 տասխան նիշով ներկայացնում է նախադասության գերադաս անդամը,
 որով էլ բնորոշվում է նախադասության տիպը (պարզ, միակազմ, թերի,
 անվանական և այլն):

Միակազմ նախադասությունների շարքից այստեղ ներկայացնում
 ենք անդամ և անվանական նախադասությունները որպես առանձին տիպ
 կամ դաս [10, 560]: Հաշվի առնելով այն հանգամանքը, որ անդամ
 նախադասությունները ժամանակակից հայ գեղարվեստական գրակա-
 նության մեջ լայն տարածում են գտել, մեկնաբանությունները սկսում
 ենք հենց այդ խմբից: Ժամանակակից հայերենում անդամ նախադասու-
 թյան գերադաս անդամը առավելապես արտահայտվում է անորոշ դեր-
 բայով [1, 137]: Դրա շնորհիվ տվյալ խմբին պատկանող նախադասու-
 թյան կառուցվածքային սխեման կառուցվում է այդ կաղապարի շուր-
 ջը, որը հանդես է գալիս որպես առանցքային, միջուկային կաղապար:
 Ուրեմն բուն անդամ նախադասությունն է (S_{imps}) կարող են ճանաչ-
 վել այն կառուցվածքները, ուր որպես միջուկային կաղապար հանդես է
 գալիս V_{inf} նիշը, անկախ կառուցվածքում՝ մյուս բաղադրամասերի
 համեմատությամբ, չբաղեցրած դիրքից: Այսպիսով, անդամ նախադա-
 սության կառուցվածքը կարելի է դիտել հետևյալ օրինակներում:

$S_{imps} \leftrightarrow [(V_{inf}) N_4^1 N_3^1 N] [neg V_{inf}) N_2^1 N_2^1 N_5^1]$	Պահել այս ռազմակարգը չշփոթվել իր՝ վարդանի շարժումներից*:
$S_{imps} \leftrightarrow [(V_{inf}) N_{4pl}^1] [Adv(neg.V_{inf}) \cdot neg N_4^1]$	Կոտորե՛լ բոլորին... ողջ չը- թողնել ոչ մեկին:
$S_{imps}, Interr S \leftrightarrow (V_{inf})$	Բաժանվե՞լ:
$S_{imps} \leftrightarrow [N_1^1 Adv N_{3pl}^1 (V_{inf})] [N_1^1 (V_{inf})] \cdot [V_{inf}) N_2^1 N_1^1]$	Առավոտը վաղ կոչիկներ սրբել, թե՛ պատրաստել, գնալ հացի հերթ...

* Օրինակները վերցրել ենք արդի հայ լեզվաբանական գրականությունից:

$S_{\text{imps.}} \rightarrow (V_{\text{int}}) \text{con}(V_{\text{int}}) [N_1^4 V_{\text{part}} V_{\text{aux}} \text{Adv} V_{\text{int}}]$ Կեր կենալ և հեռանալ՝ այդ նշանակում է պարզապես ժախջել:

$S_{\text{imps.}} \text{Interr} S \rightarrow \text{Adv}(V_{\text{int}}) N_{\text{pl}}^4$ Որտե՞ղ դտնել դրանց:

$S_{\text{imps.}} \rightarrow (V_{\text{int}}) N_1^4 N_{\text{pl}}^1 V_{\text{part}} N_{\text{pl}}^1$ Կազմակերպել լեզվի հարցերին նվիրված հաղորդումներ:

Վերոհիշյալին ավելացնենք միայն մի քանի օրինակներ, որոնք միաժամանակ ցուցաբերում են և՛ բառակապակցության, և՛ նախադասության հատկությունները նման կառուցվածքները անդամների թվին չեն կարող դասվել. օրինակ՝ պահպանել մաքրություն $[(V_{\text{int}}) N_1^4]$, մատաղ լինել $[(N_1^4 (V_{\text{int}}))]$ մարդու գնալ $[N_3^4 (V_{\text{inf}})]$ և այլն:

Ինչպես տեսնում ենք, անդամ նախադասությունները ժամանակակից հայերենում իրենց բաղադրամասերի կազմությամբ և կառուցվածքային արտահայտությամբ այնքան էլ բազմազան ու բազմատեսակ չեն: Այս տեսակետից անդամ նախադասության տիպերի ընդլայնման փորձը [3, 20—37] կարծես թե չի համապատասխանում անդամ նախադասություն հասկացության սահմանման սկզբունքին: Եթե ընդունված կարծիքի համաձայն անդամ նախադասության դերադաս անդամն արտահայտվում է գերազանցապես անորոշ դերբայով [1, 137, 2, 492, 4, 123], և եթե ընդգծվում է այն միտքը, որ անդամ նախադասությունը չունի քերականական դեմք, այսինքն՝ նրա կազմությանը չեն մասնակցում բայի դիմավոր ձևերը [2, 487], ապա այս առումով հաղիվ թե կարողանան որպես անդամ նախադասություններ ճանաչվել հետևյալ օրինակները. Լուսանում է: Մթնեց: Կամ՝ Ոչ Լուսանում էր, ոչ մթնում [3, 19—20], Սրանք եթե ներկայացվեն համապատասխան կառուցվածքային սխեմաներով, ապա կունենան հետևյալ տեսքը. $V_{\text{part}} + V_{\text{aux}} = V_{\text{3sing.}} \leftrightarrow S_{\text{imps.}}$ (Լուսանում է), $V_{\text{3sing.}} \leftrightarrow S_{\text{imps.}}$ (Մթնեց), $[\text{Adv } V_{\text{part}} V_{\text{aux}}] [\text{Neg. } V_{\text{part}}] = [\text{Neg. } V_{\text{3sing.}}] [\text{Neg. } V_{\text{3sing.}}] \leftrightarrow S_{\text{imps.}}$ (Ոչ Լուսանում էր, ոչ մթնում) և այլն:

Զի կարելի, ըստ երևույթին, անդամ համարել էլ բան չի ասվում, հետք չի խոսվում կամ ի-ով վերջավորվող հին ապառնի դերբայով [օրինակ՝ եվ հասկանալի է, քե ինչո՞ւ (3, 24, 32)] և նման մասնակի կառույցները, ուր համապատասխան՝ $[N_{\text{1neg}}^1 V_{\text{aux}} V_{\text{part}}] [N_{\text{1neg}}^1 V_{\text{aux}} V_{\text{part}}] \leftrightarrow S_{\text{imps.}}$ և $(V_{\text{part}} + V_{\text{aux}} = V_f) \text{Adv} \leftrightarrow S_{\text{imps.}}$ բանաձևերի համաձայն բացահայտվում է բայի դիմավոր ձևերի առկայությունը:

Դասակարգման հարցում առաջնորդվել ենք Վ. Առաքելյանի կողմից ընդունված սկզբունքով, որի համաձայն միակազմ նախադասությունների կարգում բայական (դրանց թվում՝ անդեմ) և անվանական նախադասությունները ներկայացված են առանձին՝ միմյանցից անշատ ենթակարգերում։ Միաժամանակ համաձայն շենք այն կարծիքին, որ անդեմ նախադասությունների կազմում կարող են ընդգրկվել այնպիսի կառույցներ, որտեղ առանցքային կաղապարը (գերադաս անդամը) արտահայտված է խոնարհված բայով, նման նախադասությունները կարող են դասվել մեկ ուրիշ տիպի մեջ, որովհետև անդամների համար այժմ սահմանված է մեկ առանձին՝ անորոշ դերբայական դաս [10, 567], որով էլ բնորոշվում են բուն անդեմ նախադասությունները։ Այս առիթով կցանկանայինք վերլուծել ևս մեկ օրինակ։ Այսպես, Վ. Առաքելյանի դրբում [1, 32] մեջբերված է Սիրելի էր տեսնել, թե ինչպես երեկված խաղի... նախադասությունը, որը եթե վերածենք (Սիրելի էր տեսնել) փոխակերպված կառուցվածքային սխեմայի, ապա այն կստանա $S_{\text{imp}} \rightarrow V_{\text{part}} + V_{\text{aux}} = V_1(V_{\text{inf}})$ պատկերը, որով էլ հաստատվում է տվյալ նախադասության՝ անդեմ նախադասությունների խմբին պատկանելը։ Ըիշտ է, հեղինակն այդ նախադասությունը վերջին հաշվով դասել է անդեմ նախադասությունների շարքը, սակայն, տեղադրում է այն մեկ առանձին՝ «ի-ով վերջավորվող հին ապառնի դերբայով անդեմ նախադասությունների» շարքում, մինչդեռ ելակետային են համարվում անորոշ դերբայական ձևերը, որոնք կազմում են առանձին դաս՝ միակազմ նախադասությունների կարգում և որով էլ պայմանավորված է անդեմ նախադասության կառուցվածքը։

Մյուս կողմից, այն լեզվաբանները, որոնք անդեմ և անվանական նախադասություններում որպես առանցքային միջուկ սահմանել են բայաձևերով արտահայտված տարրերը և այդ բայաձևերի առկայությամբ համախմբում են հիշյալ տարատեսակները մեկ ընդհանուր՝ անդեմների ենթակարգում, փաստորեն անտեսում են անվանականների ինքնատիպ կառուցվածքը և դրանց գործառությունը լեզվում։ Էլ շենք խոսում այն մասին, որ մինչև այժմ չի բացահայտվել անվանական և անդեմ կառուցվածքների՝ առանձին հնչերանգային խմբերին պատկանելու օրինաչափությունները։

Անցնելով անվանական տիպի նախադասության բնութի քննությանը, նույն սկզբունքով ներկայացնենք նրանց քերականական ինքնատիպ կառուցվածքը, ի նկատի ունենալով, սակայն, նրանց դրսևորման յուրօրինակությունը, որ դիտվում է հոսքի մեջ։

Միակազմ անվանական նախադասության կառուցվածքային նիշը S_N է։ Այս տիպի նախադասության գերադաս անդամը բացառապես արտա-

Հայտնված է լինում անուն խոսքի մասերով (գոյական, ածական, դերանուն), ընդ որում միշտ՝ ուղղական հոլովով և կառուցվածքում ներկայացվում է ընդհանուր՝ N_m^n նիշով: Հաճախ անվանական նախադասությունն արտահայտված է լինում միայն մեկ բառով: Այս դեպքում կարելի է նշել, որ $N_m^n \rightarrow S_N$:

Անվանական նախադասության առանցքային, գերիշխող բառը սովորաբար գործածվում է անորոշ առումով և այս երևույթն է պայմանավորում անդամ տիպի նախադասությունների ըմբռնման յուրահատկությունը [5, 17]: Հայտնի է, որ անվանական նախադասությունները անվանում են մի որևէ առարկա, երևույթ կամ իրողություն, հաստատելով այդ առարկայի կամ երևույթի առկայությունը, գոյությունը, Թեպետև այդ տիպի նախադասությունները խոսքում ուրույն արտահայտությամբ ու ձևավորումով են հանդես գալիս, ազդարարելով մտքի ավարտվածությունը և կարող են գործածվել մեկուսացված լինակով, սակայն որոշ դեպքերում կարող են փոխարինվել համարժեք երկկազմ նախադասություններով (ինչպես սովորաբար խոսքում փոխակերպման են ենթարկվում տարրեր տիպի նախադասությունները):

Անվանական նախադասությունները, ղուրկ լինելով նախադասության մի այնպիսի կարևոր բաղադրիչ, ինչպիսին է բայ-ստորոգյալը, շրջապատող նախադասությունների հենարանի խիստ կարիք են զգում: Սրանով է պայմանավորված եղանակավորող ենթատեքստի (МОДАЛЬНЫЙ КОНТЕКСТ) առկայությունը [11, 321]: Անվանական նախադասությունները զուգահեռաբար ենթադրում են նախադասությունների այնպիսի խումբ, որը պատկերացվում է որպես պատմողական շղթա: Սրանով իսկ ապահովվում է նրանց հաղորդակցական գործառությունը խոսքային գործընթացում: Բացի այդ, լեզվաբանները հատուկ ընդգծում են նաև այն փաստը, որ անվանական նախադասությունները օժտված են հուզական բացարձակ արտահայտությամբ, ուստի և հնչերանգային առանձնահատկությունների ուսումնասիրման տեսակետից ավելի հետաքրքրական են: Նման արտահայտչական միջոցների ուժեղանալուն նպաստում է վերոհիշյալ եղանակավորող ենթատեքստը: Սակայն, հետազոտության նպատակների բերումով, անվանական նախադասությունները այստեղ ներկայացնում ենք ենթատեքստից դուրս, եթե կարելի է ասել՝ ռմաքուր ձևով, ունենալով առաջմ մեկ նպատակ: Բացահայտել անվանական տիպի նախադասությունների կառուցվածքային առանձնահատկությունները՝ իրենց բաղադրամասերով հանդերձ:

Անվանական նախադասությունների քերականական կառուցվածքը բացահայտելու նպատակով քննենք մի քանի օրինակներ: Այսպես,

Օպիտակ կամարներ և նկարներ՝ ոսկեզօծ շրջանակների մեջ նախադասությունը պատկերվում է հետևյալ բանաձևով.

$$S_N \rightarrow N^2(N_{1Pl}^1) \text{ con } (N_{1Pl}^1) N^2 N_{2Pl}^1 \text{ prp.}$$

Դիտենք ևս մեկ օրինակ՝ Հոկտեմբերյան ֆաղաֆ: Ասյրիյան ջինջ առավուտ: Նախադասությունը կամ նախադասությունները (որովհետև դրանք միմյանցից անջատ են) կարելի է պատկերել և՛ $S_N \rightarrow (N_1^1) N^2 [N^2 \text{ Adv } (N_1^1)]$ (ուստի հեղինակը ներկայացրել է դրանք որպես առանձին ավարտված մտքեր) և՛ $S_N \rightarrow [(N_1^1) N^2] [N^2 \text{ Adv } (N_1^1)]$ ձևով, այսինքն՝ համախմբել այն: Ծիշտ է երկրորդ մեկնաբանությունը, որովհետև, վերջին հաշվով, ներկայացված երկու խմբերն էլ իրենց բաղադրամասերով այնուամենայնիվ համախմբված են մեկ՝ ընդհանուր հնչերանգային կորով, որով էլ պայմանավորված է նրանց միասնությունը: Սակայն մյուս կողմից, ընդունելով այն թեզը, որ ինչպես անդեմ, այնպես էլ անվանական նախադասությունները գործածվում են հատկապես գեղարվեստական խոսքի մեջ [1, 141, 7, 149], պետք է միաժամանակ հաշվի առնել նաև հեղինակների փորձը և այն միտումները, որոնցով նրանք առաջնորդվում են իրենց ստեղծագործական պրակտիկայում:

Սակայն բոլոր դեպքերում մեզ համար ամենակարևորն այն է, որ ինչպես մեջբերված, այնպես էլ մյուս օրինակներում առանցքային բաղադրիչը արտահայտված է անվանական խոսքի մասով, և որ անվանական նախադասության կազմում բացակայում է որևէ բայաձև և սրանով իսկ այս տիպի նախադասության կառուցվածքը հակադրվում է անդեմ նախադասության կառուցվածքին:

Այն հանգամանքը, որ անվանական նախադասություններն ավելի սուր հուզաարտահայտչական միջոցներով են օժտված, չի վրիպել հետազոտողների ուշադրությունից: Սրան նպաստում է նման տիպի նախադասություններում ձայնարկությունների օգտագործումը, ժխտման ձևերի միօրինակությունը կամ թեկուզև միատեսակ բառերի օգտագործումը, որը և իր արտացոլումն է գտնում այդ կառուցվածքներում՝ միօրինակություն մտցնելով նրանց մեջ: Օրինակ՝ հայերենում ցուցական իմաստով լայն տարածում են գտել այլ ձայնարկությունը կամ անհղանակավորող բառը, որոնցով սկսվում է նախադասությունը և որոնցով էլ պայմանավորված է նման կառուցվածքների միասնական պատկերը:

Բերենք մի քանի օրինակներ եղանակավորող բառերով.

$S_n \rightarrow D^*(N_1^1)$	Ահա Բաքու:	$S_N \rightarrow D_{con}(N_1^{1p1})$	Ահա և նրանք:
$S_n \rightarrow DN^2(N_1^1)$	Ահա, բուն հարց- մունքը:	$S_N \rightarrow DN^2(N_1^1)$	Ահա սպիտակ Ձյունակերտը:
$S_n \rightarrow DN^2(N_1^1)$	Ահա իսկական մարդասպանը:	$S_N \rightarrow D_{con}N_1^1N_1^1(N_1^1)$	Ահա և Օհանա- պուր ալգո- դոմիկը:
$S_n \rightarrow D(N_1^{1p1})$	Ահա ասողները:	$S \rightarrow DN^2(N_1^1)$	Ահա նոր դուր- թը:

Ինչպես տեսնում ենք, նման կառուցվածքները կայուն են իրենց բաղադրիչների դասակարգմամբ. սրանց տարբերությունը միայն բաղադրամասերի քանակի մեջ է: Բացի այդ, ուշագրավ է ևս մի օրինակափոխություն. վերը նշված կառուցվածքներում առանցքային բառածեր ուրոշյալ հոդ է ընդունում, ի տարբերություն S անվանական նախադասության մյուս տիպերի:

Նման օրինակափոխություններ չեն ցուցաբերում Ա՛յ ձևերի դե՛ղ, ա՛յ լավ ձևերի դե՛ղ $S_n \rightarrow [Interj N_1^1(N_1^1)] [Interj N^2 N_1^1(N_1^1)]$ և մյուս՝ նման տիպի նախադասությունները, ուր դիտվում են ձայնարկության տարրեր: Միօրինակություն են ցուցաբերում նաև այն տիպի անվանական նախադասությունները, ուր առկա են ժխտական մասնիկներ, որոնք ազդարարում են գործողության չկատարում կամ գործողության բացասում: Այս տիպի նախադասության օրինակներից են Ոչ մի գիշում $S_N \rightarrow neg N^1(N_1^1)$, Ոչ մի ձայն $S_N \rightarrow neg N^1(N_1^1)$, Ոչ ոք, ոչ մի շունչ, ոչ զագան, ոչ թռչուն և նման կառույցները:

Ուշագրավ է, որ վերը նշված առանձին խմբերի կառուցվածքով է արտահայտվում հուզաարտահայտչական տարրը անվանական նախադասություններում: Հուզաարտահայտչական, այնուամենայնիվ, կարեւոր միջոց պետք է համարել նաև այն, որ նախադասությունները միմյանցից ավելի կտրուկ են բաժանված՝ օգտագործվում են վերջակետերով, օրինակ՝ Ինչպես միշտ—գորշ փռչոտ փողոց: Սառը շուր: Խաղող: Գինի: Մառդիկ: Կառքեր: Նման օրինակները հնչեղանքային առանձնահատկությունների տեսակետից դիտվում են որպես մի ամբողջական կառույց, և պատահական չէ, որ լեզվաբանական գրականության մեջ ներկայացված է ամբողջությամբ: Սա է, հավանաբար, գեղարվեստական արտահայտչամիջոցներից մեկը, որը կիրառում են գրողները, դարձնելով խոսքը սեղմ ու

* Ահա և մյուս տիպի եղանակավորող բառածերի համար մեր նիշերի ցուցակում բացակայում է համապատասխան համարժեքը, ուստի այստեղ պայմանականորեն օգտագործում ենք D (դետերմինանտ) նիշը [10, 575, 624], իսկ այլ ձայնարկության դեպքում՝ $Interj$ նիշը:

դիպուկ, իսկ միտքը՝ խտացված [1, 142]։ Մյուս կողմից առկա են այնպիսի օրինակներ, որոնք այս առումով առանձին հետաքրքրություն չեն ներկայացնում և կարող են պարզապես մտցվել բարդ համադասական նախադասության կաղմի մեջ, օրինակ՝ Գավառական մի ֆաղաֆ, լայն և ուղիղ վռնոցներ, կանաչ խոտ մայրերի վրա, տների առաջ բուստաններ և բարձր, սովերախիտ ծառեր... $S_N \rightarrow [N^2 N^1 (N^1)] [N^2 \text{ con } N^2 (N^1_{pi})] \cdot [N^2 (N^1) N^1_{pi} \text{ prp}] [N^1_{pi} \text{ prp} (N^1)] [\text{con Adv Adv} (N^1_{pi})]$ կամ՝ Լույցի, եմա-նազին ծխախոտներ, սեղանի վրա հաց, միջին տախտակի վրա չորս արկղ սարդիկա, պիպար, շաքար և մի քանի ուրիշ մանր-մուգ բաներ $S_N \rightarrow (N^1) [N^2 (N^1_{pi})] [N^1_{pi} \text{ prp} (N^1)] [(N^1)] [\text{con } N^1 \text{ Adv} (N^1_{pi})]$ և այլն։ Այստեղ ականջատ է իրերի կամ երևույթների սովորական թվարկում, որը կարող է արտասանվել միապաղաղ ձայնով, առանց հուզարտահայտչական հանդամանքների և սրանով էլ պայմանավորված է այդ տիպի նախադասության կառուցվածքը։

Ամփոփելով անդամ և անվանական նախադասությունների քերականական կառուցվածքի վերլուծությունը, կրկին ընդգծում ենք այն փաստարկները, որոնք հնարավորություն են տվել մեզ սահմանադաշտում անվանական և անդամ նախադասությունները որպես առանձին ենթակարգերի ներկայացուցիչներ։

1. Անդամ և անվանական նախադասությունները իրենց քերականական կառուցվածքով հանդես են գալիս տարբեր խոսքի մասերին պատկանող առանցքային (գործառ) անդամով, այսպես՝ $S_N \rightarrow (N^1_{pi})$ ։

2. Անդամ նախադասությունների գերադաս անդամը դեմք չի արտահայտում, սակայն արտահայտված է բայաձևի կաղապարով, որը համապատասխանում է V (բայական կամ վերբալ) ձևերին։

3. Բացի առանձնահատուկ քերականական կառուցվածքներից, անվանական և անդամ նախադասությունները խիստ տարբերվում են իրենց՝ առանձին հնչերանգային հաղորդակցական տիպերին պատկանելությամբ։

Գ Ր Ա Կ Ա Ն Ո Ւ Թ Յ Ո Ւ Ն

1. Աբրահամյան Ս. Գ., Ժամանակակից հայերենի շարահյուսական մի քանի հարցեր, Երևան, 1962։
2. Աբրահամյան Ս. Գ., Պառնեայան Ն. Ա., Օնանյան Հ. Ա., Բաղիկյան Խ. Գ., Ժամանակակից հայոց լեզու, հ. 3, Երևան, 1976։
3. Առաքելյան Վ., Հայերենի շարահյուսություն, հ. Բ, Երևան, 1964։
4. Գյուլբուրդյան Ս., Միակազմ նախադասությունները ժամանակակից հայերենում, Երևան, 1967։
5. Հաբուրդյան Հ., Անդամ նախադասությունները ժամանակակից հայերենում, Երևան, 1970։

6. Ջանսիյան Ք. Բ. ժամանակակից հայերենի տեսության հիմունքները, Երևան 1974.
7. Бельский А. В., Опыт экспериментального исследования интонации номинатива в функции предложения («Ученые записки 1—МГПИИЯ», т. УШ), М., 1954, с. 145—167.
8. Галкина-Федорук Е. М., Безличные предложения, М., 1958.
9. «Грамматика современного русского литературного языка», М., 1970.
10. «Грамматика русского языка», т. 2, ч. I, М., 1954.
11. «Морфология и синтаксис современного русского литературного языка», М., 1968.
12. Шахматов А. А., Синтаксис русского языка, М., 1941.